

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE**

**Broj: 01- 45-1974 /23**

\*\*\*\*\*  
**ZAPISNIK  
SA DVADESETDEVETE SJEDNICE  
GRADSKOG VIJEĆA ZENICA  
održane 16. JANUARA 2023. godine**  
\*\*\*\*\*

**januar, 2023. godine**

**ZAPISNIK S 29. SJEDNICE GRADSKOG VIJEĆA ZENICA,  
ODRŽANE 16.01.2023. GODINE**

Sjednica je počela s radom u 10.15 sati.

Sjednicom je predsjedavao Mirza Husetić, predsjedavajući Gradskog vijeća Zenica.

Nakon uvodnih pozdrava predsjedavajući Vijeća je konstatovao da 29. sjednici Vijeća prisustvuje 28 vijećnika, te da Vijeće može punovažno odlučivati.

Prije prelaska na utvrđivanje Prijedloga Dnevnog reda za današnju 29. sjednicu Vijeća, novoizabrani vijećnici Adnan Zuban, Sabira Dizdarević i Emina Babić dali su svečanu izjavu vijećnika čime su preuzeli prava i dužnosti člana Gradskog vijeća Zenica.

Predsjedavajući Vijeća zatim je pročitao Prijedlog Dnevnog reda za 29. sjednicu kako slijedi:

- 1. Zapisnik s 28. sjednice Gradskog vijeća Zenica, održane 29.12.2022. godine**
- 2. Vijećnička pitanja i inicijative**
- 3. a) Nacrt Budžeta Grada Zenica za 2023. godinu s obrazloženjem  
b) Nacrt Odluke o izvršavanju Budžeta Grada Zenica za 2023. godinu s obrazloženjem**  
IZVJESTILAC: Fatima Vojvodić, pomoćnica Gradonačelnika za finansije
- 4. Prijedlog Odluke o izmjeni Odluke o komunalnim djelatnostima zajedničke potrošnje**  
IZVJESTILAC: Jakuta Imširović, šefica Sektora za ekologiju i komunalne poslove
- 5. Izvještaj o stanju vodovodne i kanalizacione mreže za cijelo područje Grada Zenica**  
IZVJESTILAC: Sabira Helvida, pomoćnica Gradonačelnika za vodoprivredu, putnu infrastrukturu i mjesne zajednice
- 6. Informacija o utrošku sredstava skloništa za napuštene životinje u periodu od 01.01.2017.-30.06.2022. godine**  
IZVJESTILAC: Jakuta Imširović, šefica Sektora za ekologiju i komunalne poslove
- 7. Prijedlog Zaključka o davanju saglasnosti Društvu „Babić-Bisstours“ d.o.o. Zenica na izvedenu dogradnju poslovnog objekta u k.o. Zenica I**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 8. Prijedlog Zaključka o davanju saglasnosti društvu „Orijent“ d.o.o. Zenica na lokaciju objekta na međi i služnost puta u KO Pojske**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 9. Plan korišćenja javnih površina na području grada Zenica za 2023. godinu**  
IZVJESTILAC: Emilija Pašalić, v.d. pomoćnice Gradonačelnika za urbanizam
- 10. Prijedlog Rješenja o imenovanju stručnih komisija za utvrđivanje prometne vrijednosti nekretnina**  
IZVJESTILAC: Fuad Kasumović, Gradonačelnik Grada Zenica
- 11. a) Imenovanje Ocjenjivačkog suda  
b) Razrješenje i imenovanje članova stalnih radnih tijela Gradskog vijeća Zenica  
c) Prijedlog Rješenja o imenovanju i razrješenju predsjednika Komisije za izbor i imenovanja**  
IZVJESTILAC: Kenan Uzunović, predsjednik Komisije za izbor i imenovanja

Nije bilo prijedloga za dopunu predloženog dnevnog reda.

Izvještaji komisija Gradskog vijeća vijećnicima su dostavljeni pred sjednicu. Predsjedavajući Vijeća je upoznao prisutne da će zbog najavljenog odsustva Kenana Uzunovića iz zdravstvenih razloga, izvjestilac za 11. tačku biti Ekrem Tuka, zamjenik predsjednika Komisije za izbor i imenovanja.

Na traženje predsjedavajućeg Gradskog vijeća Mirze Husetića Vijeće se glasanjem izjasnilo o Prijedlogu Dnevnog reda za 29. sjednicu Vijeća i s 27 glasova „ZA“, bez glasova „PROTIV“ i bez glasova „UZDRŽAN“ usvojilo sljedeći

#### **DNEVNI RED:**

- 1. Zapisnik s 28. sjednice Gradskog vijeća Zenica, održane 29.12.2022. godine**
- 2. Vijećnička pitanja i inicijative**
- 3. a) Nacrt Budžeta Grada Zenica za 2023. godinu s obrazloženjem  
b) Nacrt Odluke o izvršavanju Budžeta Grada Zenica za 2023. godinu s obrazloženjem**  
IZVJESTILAC: Fatima Vojvodić, pomoćnica Gradonačelnika za finansije
- 4. Prijedlog Odluke o izmjeni Odluke o komunalnim djelatnostima zajedničke potrošnje**  
IZVJESTILAC: Jakuta Imširović, šefica Sektora za ekologiju i komunalne poslove
- 5. Izvještaj o stanju vodovodne i kanalizacione mreže za cijelo područje Grada Zenica**  
IZVJESTILAC: Sabira Helvida, pomoćnica Gradonačelnika za vodoprivredu, putnu infrastrukturu i mjesne zajednice
- 6. Informacija o utrošku sredstava skloništa za napuštene životinje u periodu od 01.01.2017.-30.06.2022. godine**  
IZVJESTILAC: Jakuta Imširović, šefica Sektora za ekologiju i komunalne poslove
- 7. Prijedlog Zaključka o davanju saglasnosti Društvu „Babić-Bisstours“ d.o.o. Zenica na izvedenu dogradnju poslovnog objekta u k.o. Zenica I**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 8. Prijedlog Zaključka o davanju saglasnosti društvu „Orijent“ d.o.o. Zenica na lokaciju objekta na međi i služnost puta u KO Pojske**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 9. Plan korišćenja javnih površina na području grada Zenica za 2023. godinu**  
IZVJESTILAC: Emilija Pašalić, v.d. pomoćnice Gradonačelnika za urbanizam
- 10. Prijedlog Rješenja o imenovanju stručnih komisija za utvrđivanje prometne vrijednosti nekretnina**  
IZVJESTILAC: Fuad Kasumović, Gradonačelnik Grada Zenica
- 11. a) Imenovanje Ocjenjivačkog suda  
b) Razrješenje i imenovanje članova stalnih radnih tijela Gradskog vijeća Zenica  
c) Prijedlog Rješenja o imenovanju i razrješenju predsjednika Komisije za izbor i imenovanja**  
IZVJESTILAC: Ekrem Tuka, zamjenik predsjednika Komisije za izbor i imenovanja

**Tačka 1. Zapisnik s 28. sjednice Gradskog vijeća Zenica, održane 29.12.2022. godine**

Zapisnik s 28. sjednice Gradskog vijeća Zenica usvojen je bez rasprave s 25 glasova „ZA“, 2 glasa „PROTIV“ i 1 glasom „UZDRŽAN“.

## **Tačka 2. Vijećnička pitanja i inicijative**

Vijećničke inicijative su podnijeli, odnosno vijećnička pitanja postavili vijećnici: Denan Pašalić, Mahdi Alić, Elmin Šabanović, Aida Halać, Adnan Šut, Vernes Menzilović, Nermin Mehić, Malik Ejubović, Elmir Duvnjak, Emina Tufekčić, Namir Škaljo, Elvir Purić i Halil Arnaut.

Gradonačelnik je usmeno odgovorio na pitanja vijećnika Emine Tufekčić, Elvira Purića, Namira Škalje i Elmira Duvnjaka.

Vijećnik Denan Pašalić podnio je inicijativu za sanaciju i asfaltiranje lokalnog puta u MZ „Puhovac“. Vijećnik Mahdi Alić podnio je inicijative za pojačanu kontrolu zaustavljanja i parkiranja vozila uz pješačke prelaze i postavljanje fizičkih zapreka na ukinutim parking mjestima u vidu kalota ili žardinjera, te inicijativu za formiranje specijalističke ambulante za oboljele od dijabetesa u okviru primarne zdravstvene zaštite. Vijećnik Elmin Šabanović podnio je inicijativu za hitnu sanaciju i poduzimanje svih aktivnosti oko zabrane odlaganja otpada na lokaciji Streljana, te inicijativu za izgradnju dječjeg igrališta i obnovu postojećeg sportskog poligona u MZ „Odmut“ i postavio vijećničko pitanje da li je planirano uređenje i asfaltiranje naselja Bare u MZ „Mošćanica“? Vijećnica Aida Halać usmeno je postavila pitanje koje se tiče postavljanja vertikalne saobraćajne signalizacije na izletištu Smetovi kojom će se regulisati vožnja kvadova po istom, te zabraniti parkiranje na zelenim površinama. Vijećnik Adnan Šut postavio je pitanje u vezi s društvenim domom „Babino“ koje glasi: „Da li je u planu ulaganje u društveni dom „Babino“, da li su riješeni imovinsko-pravni odnosi, u čijem su vlasništvu prostorije koje koriste (pošta, apoteka, pekara kao i ostale prostorije u prizemlju doma) i ako nisu u vlasništvu Grada Zenica, kako su iste kupljene, ko su lica koja su kupila ili zakupila, ko je potpisnik tih ugovora i po kojoj cijeni?“ Vijećnica Emina Tufekčić postavila je pitanje vezano za status deponije industrijskog otpada „Rača“: Koji je projekat za sanaciju ove deponije, da li je on izrađen i u kojoj je fazi?, te pitanje za Službu za inspekcijske poslove: „Zašto ne postupaju jednako po prijavama građana našeg grada? Zašto diskriminiraju građane? Da li u nekim slučajevima izlaze na teren u roku od 24 sata, a u nekim drugim tek nakon šest mjeseci nakon što reaguju neki viši nivoi vlasti, SIPA, Tužilaštvo i slično. Koji su razlozi gradske inspekcije za ovakvo postupanje?“ Vijećnik Vernes Menzilović podnio je inicijativu za izgradnju podzide na ulazu u centralni dio naselja Bistrica i sanaciju betonskog puta u MZ „Starina“ u dužini od oko 200 metara. Također, podnio je inicijativu za usvajanje zaključka kojim se traži od Vlade ZE-DO kantona da razmotri mogućnost poništenja Ugovora o koncesiji za hidrocentralu koja se nalazi na rijeci Bistričak ili da na neki drugi način primora vlasnika hidrocentrale za bolji i uredniji nadzor nad radom iste. Vijećnik Nermin Mehić postavio je pitanje da li će doći do sanacije kanalizacione linije u MZ „Topčić Polje“, te pitanje u vezi sa izgradnjom sekundarne toplovodne mreže u naselju Hamida. Vijećnik Malik Ejubović podnio je inicijativu da se predsjednicima mjesnih zajednica u Gradu Zenica s obzirom da volontiraju, omogući određena naknada za obavljanje te funkcije, inicijativu za asfaltiranje saobraćajnice u ulici Branislava Nušića u naselju Brist te postavio pitanje: „Da li će ponovo biti uspostavljena autobusna linija za MZ 'Varda'?“ Vijećnik Elmir Duvnjak podnio je inicijativu za oslobađanje obaveza plaćanja zakonskih zateznih kamata za sva fizička i pravna lica, koja su dužnici Grada Zenica po bilo kojem osnovu, ukoliko izmire svoja dugovanja u pogledu glavnice i troškova postupka ukoliko se radi o predmetima po kojima se vode sudski postupci, najkasnije do 29.12.2023. godine, te postavio vijećnička pitanja: 1. „Zašto gradski displej ne radi mjesecima?“ 2. „Zašto se ne poštuje odluka Gradskog vijeća kojom je odlučeno da se paušal za grijanje ne plaća. U stambenom naselju Makovi se naplaćuje fiksni trošak, kao i u JU Bosansko narodno pozorište u kojem se fiksni trošak obračunava na 5600 kvadratnih metara, te će iznositi 2.620 KM?“ Vijećnik Namir Škaljo postavio je pitanje u vezi s rješavanjem problema sagorijevanja podzemnih slojeva uglja na Crkvičkom brdu iznad objekta „Zeka komerc“: „Tražim odgovor da li je Grad dobio ikakvu povratnu informaciju pravnog lica kojem se grad obratio, te da li su poduzete ikakve aktivnosti na gašenju požara i kada bi se uopšte mogle poduzeti bilo kakve aktivnosti koje će dovesti do gašenja ovog požara?“ kao i pitanje u vezi s postavljanjem saobraćajne signalizacije u naselju Blatuša: „Kada će biti izvršeno postavljanje horizontalne signalizacije i tzv. „ležećih policajaca“ na saobraćajnici u ulici Željeznička, naselje Blatuša?“

Vijećnik Elvir Purić postavio je dva vijećnička pitanja: „Autobuska linija Zenica-Varda zašto je ukinuta i da li će biti ponovo vraćena?“ i pitanje koje se tiče prevoza đaka i studenata: „obratila mi se mještanka Poljica. Imaju problem javnog prevoza đaka i studenata. Radi se o tome da dva prijevoznika saobraćaju, međutim, kad uzmu mjesečnu kod jednog ne mogu koristiti drugi. Mislim da nije problem samo na Lašvanskom slivu, to je problem na svim slivovima. Oni predlažu da se sredstva, koja se uplaćuju jednom prevozniku, uplate na dva pa da oni mogu koristiti oba ili neki treći način kako bi naši sugrađani mogli kvalitetno koristiti javni prijevoz“. Vijećnik Halil Arnaut podnio je inicijativu za rekonstrukciju platoa i pristupnog puta ispred JU “Dom-porodica” Zenica.

NAPOMENA: Vijećnička pitanja i inicijative podneseni u pisanoj formi, dostavljaju se u prilogu dostavnih akata, koji se od strane Stručne službe Gradskog vijeća upućuju nadležnim gradskim službama i drugim subjektima, radi vjerodostojnosti postavljenog vijećničkog pitanja, odnosno podnesene inicijative.

**Tačka 3. a) Nacrt Budžeta Grada Zenica za 2023. godinu s obrazloženjem**  
**b) Nacrt Odluke o izvršavanju Budžeta Grada Zenica za 2023. godinu s obrazloženjem**

Uvodne napomene za ovu tačku dnevnog reda dala je Fatima Vojvodić, pomoćnica Gradonačelnika za finansije.

U raspravi su učestvovali vijećnici: Malik Ejubović, Osman Šuvalić, Aida Halać, Ekrem Tuka, Šerif Patković, Almir Babajić, Elmir Duvnjak, Nermin Mehić, Elvir Purić, Elmin Šabanović i Halil Arnaut. Gradonačelnik je učestvovao u raspravi dajući određena dodatna pojašnjenja, te pozvao sve klubove vijećnika u Gradskom vijeću Zenica da učestvuju sa svojim prijedlozima prilikom izrade Prijedloga Budžeta Grada Zenica za 2023. godinu.

Po zaključenju rasprave vijećnici su se glasanjem izjasnili o Nacrtu Budžeta Grada Zenica za 2023. godinu i Nacrtu Odluke o izvršavanju Budžeta Grada Zenica za 2023. godinu, s rokom od 10 dana za javnu raspravu, sa 16 glasova „ZA“, 6 glasova „PROTIV“ i 4 glasa „UZDRŽAN“. Zbog sumnje u tačnost rezultata glasanja koju je iskazao Klub vijećnika SDA, predsjedavajući Vijeća zatražio je od vijećnika da se pojedinačno izjasne o ovoj tački dnevnog reda, nakon koga je konstatovao da je rezultat pojedinačnog glasanja 16 glasova „ZA“, 6 glasova „PROTIV“ i 4 glasa „UZDRŽAN“.

Predsjedavajući Vijeća Mirza Husetić je u 13.25 sati dao pauzu u trajanju do 14.30 sati, pa je sjednica nastavila s radom u 14.45 sati.

**Tačka 4. Prijedlog Odluke o izmjeni Odluke o komunalnim djelatnostima zajedničke potrošnje**

Uvodne napomene za ovu tačku dnevnog reda dala je Jakuta Imširović, šefica Sektora za komunalne poslove i ekologiju.

U raspravi o ovoj tački dnevnog učestvovali su vijećnici: Šerif Patković, Malik Ejubović i Namir Škaljo.

Po zaključenju rasprave, Vijeće je s 21 glasom „ZA“, bez glasova „PROTIV“ i 5 glasova „UZDRŽAN“ donijelo Odluku o izmjeni Odluke o komunalnim djelatnostima zajedničke potrošnje.

Vijeće se izjasnilo glasanjem o zaključku vijećnika Malika Ejubovića, proizašlom iz rasprave:

Gradsko vijeće zadužuje gradske službe da revidiraju postojeće odluke o taksama i naknadama za usluge gradskih službi kako bi se izvršila eventualna korekcija ili modifikacija istih,

s 26 glasova „ZA“, bez glasova „PROTIV“ i bez glasova „UZDRŽAN“.

## **Tačka 5. Izvještaj o stanju vodovodne i kanalizacione mreže za cijelo područje Grada Zenica**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Namir Škaljo, Šerif Patković, Denan Pašalić, Kenan Alispahić i Malik Ejubović. U raspravi su učestvovali Gradonačelnik i Sabira Helvida, pomoćnica Gradonačelnika za vodoprivredu, putnu infrastrukturu i mjesne zajednice, dajući određena pojašnjenja.

Po zaključenju rasprave, Vijeće je s 26 glasova „ZA“, bez glasova „PROTIV“ i bez glasova „UZDRŽAN“ prihvatilo Izvještaj o stanju vodovodne i kanalizacione mreže za cijelo područje Grada Zenica.

Vijeće se izjasnilo glasanjem o zaključku vijećnika Malika Ejubovića, proizašlom iz rasprave:

Gradsko vijeće zadužuje resornu gradsku službu da, u saradnji s JP „Vodovod i kanalizacija“ d.o.o. Zenica, u roku od tri mjeseca pripremi strateški planski dokument s presjekom postojećeg stanja vodovodne i kanalizacione mreže po mjesnim zajednicama, te planovima kapitalnih ulaganja u budućnosti,

s 20 glasova „ZA“, bez glasova „PROTIV“ i bez glasova „UZDRŽAN“, a zatim o zaključku

vijećnika Šerifa Patkovića, proizašlom iz rasprave:

Da se pripremi trogodišnji plan upravljanja, odnosno razvoja u ovoj oblasti,

sa 17 glasova „ZA“, bez glasova „PROTIV“ i 5 glasova „UZDRŽAN“.

## **Tačka 6. Informacija o utrošku sredstava skloništa za napuštene životinje u periodu od 01.01.2017.-30.06.2022. godine**

Uvodne napomene za ovu tačku dnevnog reda dala je Jakuta Imširović, šefica Sektora za komunalne poslove i ekologiju.

U raspravi o ovoj tački dnevnog reda učestvovali su vijećnici: Aida Halać, Kenan Alispahić, Namir Škaljo, Malik Ejubović, Vernes Menzilović, Denan Pašalić, Emina Tufekčić, Šerif Patković, Elmir Duvnjak, Osman Šuvalić i Ekrem Tuka. U raspravi su učestvovali Gradonačelnik i Jakuta Imširović, šefica Sektora za ekologiju i komunalne poslove, dajući određena pojašnjenja.

Po zaključenju rasprave, Vijeće je s 21 glasom „ZA“, 1 glasom „PROTIV“ i 4 glasa „UZDRŽAN“ prihvatilo Informaciju o utrošku sredstava skloništa za napuštene životinje u periodu od 01.01.2017.-30.06.2022. godine.

Vijeće se izjasnilo glasanjem o prvom zaključku vijećnice Emine Tufekčić, proizašlom iz rasprave:

I - Ovim zaključkom formira se komisija iz reda gradskih vijećnika u sastavu:

1. Aida Halać
2. Edisej Sjerotanović
3. Osman Šuvalić
4. Nermin Mehić
5. Semir Huseinović
6. Malik Ejubović

II - Zadatak komisije iz tačke I je da u saradnji s resornom službom pripremi analizu stanja i utroška sredstava i funkcionisanja skloništa za napuštene životinje, te da u roku od 60 dana dostavi Gradskom vijeću prijedloge mjera za poboljšanje stanja u ovoj oblasti, te prijedloge za izmjenu pravnih regulativa iz ove oblasti.

III - Zaključak stupa na snagu danom donošenja,

s 28 glasova „ZA“, bez glasova „PROTIV“ i bez glasova „UZDRŽAN“.

Vijeće se, također, izjasnilo glasanjem o drugom zaključku vijećnice Emine Tufekčić, proizašlom iz rasprave:

I - Gradsko vijeće upućuje zahtjev Kantonalnom tužilaštvu Zeničko-dobojskog kantona za dostavu informacije o eventualnim prijavama nezakonitosti u radu skloništa za napuštene životinje u Zenici.

II - Zaključak stupa na snagu danom donošenja,

s 28 glasova „ZA“, bez glasova „PROTIV“ i bez glasova „UZDRŽAN“.

U 16.27 sati predsjedavajući Vijeća Mirza Husetić dao je pauzu u trajanju od pet minuta, pa je sjednica nastavila s radom u 16.37 sati.

#### **Tačka 7. Prijedlog Zaključka o davanju saglasnosti Društvu „Babić-Bisstours“ d.o.o. Zenica na izvedenu dogradnju poslovnog objekta u K.O. Zenica I**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Denan Pašalić, Kenan Alispahić, Nermin Mehić, Ekrem Tuka i Namir Škaljo.

Po zaključenju rasprave Vijeće je s 25 glasova „ZA“, 3 glasa „PROTIV“ i bez glasova „UZDRŽAN“ donijelo Zaključak o davanju saglasnosti Društvu „Babić-Bisstours“ d.o.o. Zenica na izvedenu dogradnju poslovnog objekta u K.O. Zenica I.

Vijeće se izjasnilo glasanjem o zaključku vijećnika Nermina Mehića, proizašlom iz rasprave:

I - Da se Gradskom vijeću dostave predmeti legalizacije objekata na teritoriji Grada Zenica u okviru jedne tačke dnevnog reda.

II - Zaključak stupa na snagu danom donošenja,

s 27 glasova „ZA“, bez glasova „PROTIV“ i 1 glasom „UZDRŽAN“.

#### **Tačka 8. Prijedlog Zaključka o davanju saglasnosti društvu „Orijent“ d.o.o. Zenica na lokaciju objekta na međi i služnost puta u KO Pojske**

Nije bilo potrebe za uvodnim napomenama.

U raspravi niko nije učestvovao.

Vijeće je s 26 glasova „ZA“, 2 glasa „PROTIV“ i bez glasova „UZDRŽAN“ donijelo Zaključak o davanju saglasnosti društvu „Orijent“ d.o.o. Zenica na lokaciju objekta na međi i služnost puta u KO Pojske.

#### **Tačka 9. Plan korišćenja javnih površina na području Grada Zenica za 2023. godinu**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Denan Pašalić, Malik Ejubović, Namir Škaljo i Emina Tufekčić. U raspravi je učestvovala Emilija Pašalić, v.d. pomoćnice Gradonačelnika za urbanizam, dajući određena pojašnjenja.

Po zaključenju rasprave Vijeće je s 25 glasova „ZA“, bez glasova „PROTIV“ i 2 glasa „UZDRŽAN“ donijelo Plan korišćenja javnih površina na području grada Zenica za 2023. godinu.

Vijeće se izjasnilo glasanjem o zaključku vijećnika Denana Pašalića, proizašlom iz rasprave:

Da Služba za urbanizam vlasnicima trenutno postojećih 40 kioska, koji su potpuno ispravni u pogledu načina korištenja, posjedovanja potrebne urbanističko-tehničke dokumentacije, te odobrene površine korištenja, može odobriti proširenje istih u većim dimenzijama od odobrenih, samo pod uslovom da se navedeno uklapa u urbanističko-ambijentalnu cjelinu prostornog okruženja,

s 26 glasova „ZA“, bez glasova „PROTIV“ i 2 glasa „UZDRŽAN“.

Vijeće se izjasnilo glasanjem o zaključku vijećnice Emine Tufekčić, proizašlom iz rasprave:

Da se u članu 5. stav (3) Plana korišćenja javnih površina na području Grada Zenica za 2023. godinu predvidi trajanje ljetne sezone do 15.11.2023. godine,

s 28 glasova „ZA“, bez glasova „PROTIV“ i bez glasova „UZDRŽAN“.

#### **Tačka 10. Prijedlog Rješenja o imenovanju stručnih komisija za utvrđivanje prometne vrijednosti nekretnina**

Nije bilo potrebe za uvodnim napomenama.

Za raspravu o ovoj tački dnevnog reda javio se vijećnik Šerif Patković.

Vijeće se izjasnilo glasanjem o Prijedlogu Rješenja o imenovanju stručnih komisija za utvrđivanje prometne vrijednosti nekretnina sa 16 glasova „ZA“, 7 glasova „PROTIV“ i 5 glasova „UZDRŽAN“. Zbog sumnje u tačnost rezultata glasanja, koju je iskazao Klub vijećnika SDA, predsjedavajući Vijeća Mirza Husetić zatražio je pojedinačno izjašnjavanje vijećnika. Nakon pojedinačnog izjašnjavanja, predsjedavajući Vijeća Mirza Husetić konstatovao je da je Prijedlog Rješenja o imenovanju stručnih komisija za utvrđivanje prometne vrijednosti nekretnina prihvaćen sa 16 glasova „ZA“, 7 glasova „PROTIV“ i 5 glasova „UZDRŽAN“.

#### **Tačka 11. a) Imenovanje Ocjenjivačkog suda**

##### **b) Razrješenje i imenovanje članova stalnih radnih tijela Gradskog vijeća**

##### **c) Prijedlog Rješenja o razrješenju i imenovanju predsjednika Komisije za izbor i imenovanja**

Uvodne napomene za ovu tačku dnevnog reda dao je Ekrem Tuka, zamjenik predsjednika Komisije za izbor i imenovanja.

U raspravi niko nije učestvovao.

Vijeće je s 28 glasova „ZA“, bez glasova „PROTIV“ i bez glasova „UZDRŽAN“ donijelo Rješenje o imenovanju Ocjenjivačkog suda i Rješenje o razrješenju i imenovanju predsjednika Komisije za izbor i imenovanja. Vijeće nije razmatralo podtačku b) Razrješenje i imenovanje članova stalnih radnih tijela Gradskog vijeća.

Sjednica je zaključena i završila s radom u 17.35 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

PREDSJEDAVAJUĆI  
GRADSKOG VIJEĆA  
Mirza Husetić